


DE ARISTOCRATIE VENETÆ ET
SERENISS. IN EA PRINCIPIS
ANDRÆE GRITI LAVDL
BVS IOVITÆ RAPL
CII ORATIO.



Clarissimo & ampliss. viro Andrea Francisco, magno Reip.
Venetę Cancellario. Iouita Rapicius. S.D.

A M O pietatem tuam, quod Venetam urbem, domum
hanc imperii, & dignitatis, ita colis: vt ea vna nihil ti
bi aut venerabilius sit, aut iucundius: & cū omnes ita
diligas, ut optimo cuiq; plurimum deferri velis: principis tamē
in vestra Repu. post hominum memoriam longe inſegetrimū
Andrea Gritti virtutes, ita admiraris, ut aſſidua prope predica
tione circumferas. Proinde cum pia quadam admiratione du
ctus, & illum & præclarā iſtam ciuitatem veſtram proxime lau
dare tētaſſem: neminem habui, cui eam lucubrationem potius
q̄ tibi mittendam putarem: tum vt exigenti aliquod ingenii no
ſtri ſpecimen exhiberem, tum quod cuiusmodi res vt cunq; ſcri
ptas libenter lecturus eſſes, quippe his diſſimillimus qui aut to
tum hoc ſcriptorum genus improbant: aut certe eorum laudes
qui an unq̄ fuerint nondum ſatis ſciri poteſt, libentius legunt:
q̄ eorum quos intuentur: & a quibus maximis ſe beneficiis aſſe
ctos negare non poſſunt. Verum tu, quæ tua prudentia eſt, ve
lim conſyderes materiam vt pulcherrimam ita longe difficilli
mam, ita ab aliis ante tractatam, vt nullam fere niſi ex elocutio
ne laudem ſperare fas ſit, quæ vix vnquā ſatiſfacit ubi ſola ſpe
ctatur. Quanq̄ ego & ordinem quēdam non, opinor, ingratarum
rebus adhibui: & non pauca adhuc indiſta primus adieci: ac ne
quid diſſimulem ſumma ope laboraui, vt non ſine aliqua vo
luptate legi poſſent: quod ſi tibi viro prudentiſſimo, & hone
ſtiſſimo iſti ſcribarum quibus merito præfectus es ordini, præ
ſtiſſe viſus fuero: ab optimo principe impetrabis, vt orationē
quanq̄ meritis ſuis longe imparem, edi patiatur, eam ad quam
proxime accedit diuorum immortalium lenitatem imitatus: qui
bus hominū pietas adeo grata eſt, vt ſe quauis manu pingi, ſin
giq; quauis oratione laudari gaudeant. Vale, & nos dilige.

DE ILLVSTRISSIMI VENETORVM

Principis Andree Criti, laudibus, & egregiis in
patriam, ac Remp. christianā meritis.

Iouitæ Rapicii oratio.

Nihil fere in bene cōstituta Rep. esse an-
tiquius; aut animis hominū ad res preclare
gerendas excitandis aptius, q̄ eorum qui
de patria bene meriti fuerint, memoriam
propagare: omnium prope gentium mores
atq; instituta declarant. Non enim sepulchra modo, ac sta-
tuas, summis uiris hodie quoq; publice erigi uidemus, sed
quod præcipua admiratione dignum sit, diuinos etiam ho-
nores nonnullis olim fuisse delatos legimus: Sic Reges alii
quosque prope immortales Aegyptus reddidit, sic uiros fortes
Athenæ celebrarunt, sic Quirinum suum, sic Cæsares quos
dam Roma consecrauit. Sic deniq; etiam in amplissima
hac Vrbe eorum qui Reipu. magno usui aliquando fuis-
sent, equestribus statuis memoria propagata est. At si quis
unq̄ fuit cuius nomen æternum fieri patria desyderarit, is
profecto est Illustrissimus hodie Princeps Andreas grittus,
cui cum illa pro meritorum magnitudine q̄ maximos po-
tuit honores iam pridem præstiterit, adhuc tamen tū publi-
ce, tum priuatim, tantis uirtutibus gratum aliquod testimo-
nium pro se quisq; nititur exhibere. Siquidem & nobilitas
illum quibuscunq; licet officiis atq; honoribus prosequi cō-
stanter perseuerat: & si qui possunt addere famā rebus Ar-
tifices, heroici illius oris dignitatem, & tot rebus spectati ca-
pitis honores, alii coloribus, alii ære, atq; argento expressis

se latentur. Quæ omnia etsi princeps optimus quasi certa
grati animi argumenta libenter accipit, nã illi tamen lon-
ge gratius futurum sit, si quis res ab eo præclare gestas non
inculta oratione possit explicare. Est enim optimo ac forti-
tissimo cuiq; natura insitum, ut perpetuam rerum a se forti-
ter atq; honeste gestarum famam, ad posteros transire desy-
deret. Quod neq; ductæ coloribus imagines, neq; impres-
si argento atq; auro uultus, neq; sumptus ulli q̃q̃ profusi,
præstare possunt. Siquidem & uno tantum loco simulacra
uisuntur: & reliqua impendia opulentiam magis indicare:
q̃ gloriam proferre solent. At oratio non tam corporis li-
neamenta, q̃ eximias animi dotes, apte atq; ornate expri-
mens, neq; uno loco aut seculo legenda, rerum gestarũ me-
moriã si non æternam, certe ualde diuturnam potest red-
dere. Itaq; etsi non eram nescius q̃ sit difficile, ubi a poetica
illa carminũ suauitate, & Musarum quilibet impune au-
dentium adyto recesseris, illustres uiros soluta & seria ora-
tione laudare: animum tamen meum ita excitauit religiosa
quædam Venetæ Reip. admiratio: & rerum pro illa a for-
tissimo Principe gestarum magnitudo: ut graue piaculum
committere me arrirarer, nisi tentassem an quæ de his ani-
mo conceperam, ita possem scriptis exprimere, ut neq; ni-
mis uetecunda taciturnitas, tam pias cogitationes diutius
inclusas contineret: neq; oratio ipsa legentibus ingrata cõ-
tingeret. cui audaciæ haud difficile, opinor, iudex æquus
ignoscet, tum q̃ honesti conatus q̃q̃ uiribus longe maiores,
ueniam fere semper, ac nonnunq; etiam laudem meruerũt,
tum q̃ hoc ipsum quicquid est, ideo sumus aggressi, ut quod
iam pridem huic reip. & tanti uiri uirtutibus nos debere

sentimus, soluere tandem qua possumus parte tentamus, pium rati, eos imitari, qui, quod de sublimibus atq; admirandis rebus, secum ipsi diu meditati fuerant, id litterarum posita monumentis prodere non dubitarunt. Vtinam uero tam pia sedulitatis officio aura aliqua fortunæ obsequentis aspiret, atq; oratio hæc maximi Principis laudes si non, quod maxime optabamus ornate & copiose, certe breuiter & ex fide, nec uulgaro more complexa, æquis iudiciis legi mereatur, & ipsius saltem materiæ dignitate commendata animos hominum ad tantarum uirtutum æmulationem subinde excitet. Vnde autem de tanto uiro dicendi melius auspicia summemus, q̃ ab his quæ illi tam honestæ uitæ initia contulere. In quibus primum sibi locum patria merito uendicari. quæ ante omnium hominum memoriam protulit ac subinde fouit, atq; prouexit gentem illam longe in regerrimam unde hic nasci aliquando posset. Verum ut de tam illustri urbe siluisse prope impium est, ita multa loqui importunum. Quis enim de eo principe cui tot propriæ sint laudes, ac supersint, ea quæ illi cum multis hominū milibus sint cōmunia prolixius memorari æquo animo ferat? Quis rursus tanti uiri laudibus non plurimum eam Patriam conferre crediderit? quæ cum his dotibus quas uel fortuna indulsit, uel natura concessit ad Inuidiam usq; excellat; longe tamen animi bonis prestantior semper extitit. Nam ut ex honestissimo Italicæ nobilitatis conuentu exordiū sumpsit, ita longe optimis administrandæ Reip. institutis semper excelluit; & prope sola omnium neq; superbo unius dominatu unq̃ oppressa est, neq; turbulentæ plebis seditione iactata, sed pulcherrimo temperamēto ita Principem sem

per habuit, ut Regem nunq̄ desyderarit, ita optimi cuiusq̄
consilio gubernata est, ut multitudinis potentiam nunquā
appetuerit, quibus artibus non libertatem modo in qua
est nata defendit, sed quod mireris, imperium terra mariq̄
sine cuiusq̄ iniuria propagauit. Quippe libera inter orien-
tis atq̄ occidentis regna quasi medius quidam limes consti-
tuta, tantam sui admirationem excitauit, ut uicinæ urbes
sele illi dedere ultro expeterent. nec ullam tamen illa in de-
ditionem reciperet, nisi quam aut graui tyrannide oppres-
sam aut opem in malis implorantem suscipiendo seruaret.
Adeoq̄ omnes id beneficii loco acceperunt, ut nulla sit ho-
die Veneto imperio subiecta ciuitas quæ non huius Reip.
clementiam ita diligat, ut pristinæ seruitutis memoriā auer-
setur. Huc illud quoq̄ accedit q̄ christianam pietatem iam
inde ab urbis incunabulis ita imbibit, ut nulla unq̄ impiæ
opinionis labe sit infecta: nullos nisi sanos ritus admiserit,
nullas nisi christianas leges agnouerit. Quid q̄ nulla unquā
nisi libertatis, aut æquitatis defendendæ gratia bella susce-
pit: pro dignitate Italiæ, pro Reip. christianæ salute, tantū
Auri, tantum sanguinis effudit: quantum uix ulla alia toto
terrarum orbe ciuitas. Hæc deniq̄ una omnes gentes quæ
sunt a fortunatis Insulis ad Euphraten, ab ipsa Thule ac
Tanai ad extremam Numidiam atq̄ Aethiopiam suis cō-
merciis ita coniungit, ut q̄q̄ lingua & cultu uariæ sibi tamē
mutuo prodesse nunq̄ desinant, & cum ne ipsa quidem na-
tura præstet, ut omnia terræ omnes ferre possint, hæc uaria
& plane admirabili rerum permutatione efficit, ut quod
usq̄ inuenitur, nusq̄ deesse uideatur. Nec uero sibi uni pro-
fuisse contenta maximam nostri maris partem, exactis pre-

donibus, classis suæ præsidio tutam omnibus præstare con-
rendit, & cum ita duplici maris ac terræ libretur elemento,
ut utriusq; commodis perfruatur nec ulla inde formidet in-
commoda, sed pericula uel in alto, uel in continente laborā-
tium longe secura prospectet, periclitantibus sinum pādit,
& infelices miserata in gremium uocat ac recipit. Nec uero
est q̃ eius rei testes aut diu aut procul requiras: statim & un-
diq; se offerunt. Egregiam enim hanc tam humane ciuita-
tis tum in omnes hospites, tum in eos quos premi uidet li-
beralitem experta est olim Constantinopolis, Thracia,
Macedonia & Illyricum: experta Attica, Peloponesus, &
Epirus, & Asiæ magna pars expertæ omnes quæ a freto si-
culo in Pamphylium pelagus & Propontidem Insulæ cele-
brantur, experta non semel illa tot quondam triūphis Ro-
ma præclara: experti Etrusci, Umbri, Ligures, Calabri,
Apuli: experta (ut uno uerbo dicam) Italia sæpe uniuersa, &
bona pars Galliarum, ex quibus omnibus Regionibus uix
dici queat quot quantiq; non modo priuati hominēs, sed
Dynastæ, Demarchi, & qui dicuntur uulgo Despotæ, Re-
guliq; & fanorum Antistites, ac summi aliquando Pontifi-
ces, uel bellica tempestate eiekti, uel aduersæ fortunæ procel-
lis agitati in eam ita confugerint, ut non amicam modo
hospitium, sed salutare etiā præsidium calamitatibus suis ibi
inuenerint. Nam ut Thesauros & numero & magnitudine
incredibiles ibi depositos, & summa fide semper restitutos,
nulla in laude ponendos aliquis putet: nemo facile animo
concipiat, quantum auri petentibus mutuo dederit, quam
multa egentibus ultro erogarit: quā multos sedibus eie-
ctos, suis prope humeris in patriam reportarit. Hæc prudē

tissimos duces, hæc fortissimos milites, hæc oratores eloquē-
tissimos protulit. Hæc æquissimorū iudicum, hæc uere phi-
losophantium, hæc sanctissimorum antistitum ac pontifi-
cum parens, & quæ tot egregios uiros terris dedit: certissi-
mos etiam aliquot diuos cœlo intulit. Proinde celebrent li-
cet poætæ & perpetuo carmine in cœlum tollant occultati
Iouis consciam Creten, & reptatam Apollini suo Delon, &
insignes Herculis ac Liberi patris cunabulis Thebas: dum
nihil habeant quod huius urbis miraculis uel antepone-
re uel cōferre possint. Quæ nec diutinis bellis fatigata, nec tot
seculorū numero effœta, sed inter labores subinde crescēs, &
semper noua prole felicior, tot eximios hoc seculo uiros ge-
nuit: ut quālibet magnis ac multis rebus administrādis, suffi-
cere uel sola posse uideatur. Sed inter tam generosi partus
numerosa miracula quasi lumen aliquod longe præfulgens
Andream protulit. Cuius res pro patria præclare ac fortis-
ter gestæ, me iam dudum ita ad se uocant, ac trahunt: ut nec
quæ de tanta Vrbe animo conceperam dicere nisi modica
ex parte sustinuerim, nec de antiqua Gritæ gentis nobilita-
te atq; innocentia, uel unum mihi uerbum faciendum puta-
rim, dum ad illa festino quæ optimi principis ita propria
sunt, ut nihil ex his sibi possit fortuna uindicare. Quæ si par-
te orationis, summam ex rerum dicendarum copia difficul-
tatem sentio: ac uiatores properantes compellor imitari.
Nam ut illi siquando in magnam & insignem aliquam ur-
bem inciderunt, quamuis mirētur corpus illius uniuersum,
plurima tamen membra uix inspiciunt, quædam celeriter
intuentur, pauca diligentius spectant, & ad suos reuersi li-
benter memorant: ita ego etsi eam esse tanti uiri uitam ui-

• deo, ut

deo, ut nulla non illius pars laudem mereatur: eorum tamen
quæ memoratu digna erant magnitudine ac numero ui-
ctus, plurima cogor præterire, multa cursim indicare, pauca
ea cura explicabo, ut uel ex his si maxime sola essent, sum-
ma hominis uirtus, summa in patriam pietas possit intelli-
gi. Ac prius quidem qualem se ante principatum præstite-
rit, mox qualis in ipso principatu fuerit dicendum uidetur.
Quâuis autem ex solis (ut aiunt) unguibus leo soleat agno-
sci, nos tamen non primæ modo pueritiæ rudimenta in pa-
tria atq; in oculis suorum honestissime acta, sed ipsam etiã
adolefcentiam omittimus apud nobilissimos sapietiæ pro-
fessores ita foris excultam, ut inde in patriam reuersus præ-
cipua quadam humanitate ac modestia apud omnes ordi-
nes graciosus esset. Accedebat ad hos mores augusta quæ-
dam oris species, & heroica totius corporis dignitas, atq;
inoffensa diu ualetudo ad animosum iam & uirile quoddã
robur ita prouecta, ut omnes plane iam uiderent hunc uel
præcipue parem futurum magnis illis ac multis laboribus
quos bonis & Reip. amanti uiris fortuna præparabat,
ideoq; iuuenem ad magnarum rerum & honorum spem cer-
tatim erigere non desinerent. Quamobrem cum facile in-
telligeret tam honestis hominum iudiciis, non ad mollem &
secordem uitam, sed ad labores & gloriam se uocari, accessit
ille quidem ad Remp. atq; in ea statim cœpit ita uersari, ut
honestis artibus latissimum sibi ad honores aditum para-
rit: quosdam etiam ita gesserit, ut facilem iam illi & procli-
uem ad omnes alios decursum fore nemo non prædicaret.
Verum cum animus natura sublimis & erectus, niti per ar-
dua ac difficilia gauderet: simul ut more patrio honestis

mercaturis rem familiarem augetet, simul ut Reip. siquan-
do usus uenisset aptius prodesse posset, eam terrarum orbis
partem peragraré, atq; explorare instituit, unde & honestio-
res ad se quæstus redire posse animo conceperat, & grauior-
ra Reip. pericula imminere semp existimarat. Ita q; Adriati-
co sinu egressus Ionium, Aegæum, Hellespontum, Propon-
tidem, atq; Euxinum, & celebrem illū uellere aureo phasin;
ita penetrauit, ut nulla esset ibi paulo celebrior insula, nul-
lus portus, nulla urbs in ea quæ circumiacet continente, quā
non adeo curiose inspexerit ut non lucri cupido ad quæstū;
non locorum amenitas ad uoluptatem: sed publicæ utilita-
tis ratio ad regionum cognitionem traxisset illum uideretur.
Quis uero unq; satis admirabitur egregiam illam solera-
tis ingenii uim, & sublimis animi magnitudinem? quæ in
media quoq; Thracia atq; adeo in ipsa imperatoria Tur-
carum sede, animos omnium in admirationem suā ita tra-
xerit, ut non Itali tantum ac Græci qui plurimi eo loco nea-
gotiari solent, sed formidabiles etiam illi Satrapæ, qui im-
peratori suo ibi assistunt, hominem colerent & obseruaret.
Atq; ipse quoq; tot nationum ac gentium dominus, inter
familiares cū habere, sibi honestum atq; utile duceret. Huic
deniq; tantum apud omnes auctoritatis, tātum apud Prin-
cipes gratiæ: ut homines non priuatam illum rem gerere,
sed publicam existimarent, adeo enim illius animo Patriæ
caritas inhaeserat, ut q̄q; tanto intervallo remotus, q̄q; aliud
agens mentem tamen atq; intentionem ab illius cōmodis
nusq; posset auertere. Hinc factum est, ut pauci hodie uires
Imperii sui tam bene nouerint q̄ hic, quo est ingenio ac me-
moriam, facile atq; ex fide potest recensere, quantum annuo

rum uestigalium capiat Imperator ille formidabilis, quæ
sit illius in administratione Reip. ratio, quæ in remilitari,
disciplina: quantum peditatu, quantum equitatu, quantum
classe ualeat, quod quanto sit usui nemo ignorare potest, ni
si idem ille ignoret, in q̄ graues multi calamitates incide
rint, dum aut metuēda contemnunt, aut contemnenda for
midant, Id certe q̄ utile esset tum facile patuit, cum adhuc
priuatus (si modo is unq̄ priuatus qui Remp. iuuare nunq̄
destitit) in Thracia degeret, ac tantus ille Princeps insi
dias huic Reip. intenderet, & nihil hostile metuentibus bel
lum repente illaturus esset. neq; enim in tanto illo rerum
omnium discrimine præclari uiri prudentia ac pietas, pro
patria, pro focus atq; aris christianor; potuit non excubare,
sed deprensus sagaci consilio dolum, suis utcunq; licuit cu
rauit indicandum: neq; minacibus edictis est absteritus,
quominus christianæ Reip. securitatem suæ salutis pericu
lo peteret, Quid cum pietas hominis prope deprensa est, &
officii in suos quasi magni alicuius flagitii pæna expetita
an non illius adeo admirabilis patientia, adeo insignis con
stantia, adeo uigil prudentia enituit: ut ex rebus aduersis
atq; horrendis, quibus animi frangi atq; deiici solent, iustis
simam sibi gloriam compararit. Non enim hic ille desidia
elanguit, non mœrore contabuit, non publicæ salutis obli
tus est, quâuis in maximum discrimen suæ iam uocatus es
set, sed consilii tam honesti conscientia animum excitante,
& suam & Reipu. causam ita egit, ut etiani Thrax ille, q̄q̄
grauis ira succensus, tam egregiam miraretur in captiuo for
titudinem, tantumq; apud illum posset tam prudentis ani
mi plane iam perspecta magnitudo, ut quæ iratus supplicio

destinarat, eundem iam respiscens custodiri iuberet, & quā
magnitudine imperii tam late patentis elatus, huius tamen
ingenio, ac uirtute se aliquādo indigere posse crederet, neque
sane falsa est opinione deceptus. Cum enim haud ita mul-
to post Benedicti Pisaurii ductu ac uirtute altera illius clas-
sis in Ambracio sinu capta esset, altera in Hellesponti an-
gustias repulsa: Cephalariaque & Leucade amissis furoris il-
lius aestus deferuere coepisset, eius quem in hos usus serua-
uerat consilium sibi explorandum, expetendumque existi-
mauit. Hic uero prudens & egregia illa Andreae in patriam
pietas sese animis atque oculis hominum spectandam rur-
sus obtulit, id enim consilium petenti dedit, quod fore in-
telligebat accipienti honestum: Reipublice christianae com-
modum, patriae uero longe utilissimum, prudentissimoque
sua suu furētem adhuc, a bello quod iniuste susceperat reuoca-
uit: & magnū quidē ac iustum Christianis uniuersis metum
ademit, patriam uero tantis symptibus, damnis, malisque
liberauit, quanta nemo facile animo conceperit. Interpre-
s enim pacis ab illo ad Senatum missus, & mox a Senatu
cum mandatis Constantinopolim legatus, longe honestio-
ribus quā quisquā sperasset conditionibus cum illo foedus
aequauit, tamque utiles Reipublice pacis leges excogitauit ac
sanxit, ut ea pax hodie quoque non sine uenerabili quadam
ueneti nominis amplitudine perseveret. Haec sunt fortis,
haec in patriam pii, haec prudentis animi documenta, haec
eius uitae primordia, quae ad principatum non ambitu,
sed uirtute contendat, si patriam ita ames, ut ubi res po-
stularit saluti tuae illius commoda anteponas, ut omnes
te non tam studiis hominum quā dei consilio & tuis meritis

tis ad honores uocatum prædicent : Itaq; ut ex ea legatione domum uenit, statim & egregius ille in Rempubli. amor, & prudentia multarum iam rerum usu confirmata atq; aucta totius ciuitatis oculos in se ita conuertit, ut nihil esset tam amplum in Republica, quo non ille dignissimus iudicaretur, omnes certe honorum gradus tam exiguo negotio adeptus est : ut ipsis etiam suffragatoribus mirum uideretur. Magistratus autem tum urbanos tum prouinciales ita gessit : ut cum maximam de se expectationem ubiq; excitaret, eam tamen semper uinceret. Quis enim uel candidioris animi affectu, uel prudentiori oratione de Rempubli. sententiam dixit : Quis in iure tam diuersis locis, tot populis, tot nationibus dicundo solertiam suam apertius ostendit. Nemo certe aut faciliores ad se aditus præbuit, aut aduentium contentiones patientius audiuit, aut (quod longe difficillimum est) diuersa petentium uotis prudentius satisfecit. Tanta enim illi in cognoscendo diligentia : in decernendo æquitas : in animaduertendo moderatio, ut nehi quidem aduersus quos aliquid statueret queri merito possent. Quamobrem & populi tot ac tantarum uirtutum admiratione excitati facile uiderunt : summa fide colendam esse eam Rempubli. cam, quæ huiusmodi uiris iurisdictionem ac prouincias committeret : & Andreas ipse nullo unquã tanto honore ac magistratu defunctus est, quin statim illum maiore alia qua potestate atq; Imperio dignum omnes contenderent. Iam uero si animum atq; intentionem ad bella conuertas, tanta rerum laude dignarum occurreret copia, ut impediatur turba delectum ; ubi omnia

& magna noscuntur & paria. Quis enim facile diiudicari
Germanicō ne an Gallico an Hispano bello, maiora uirtu-
tum exempla prodiderit? Quis porro uideat quid in singu-
lis primum, quid medium, quid supremum dici oporteat?
Nam ut aliquem temporum ordinem sequare, Quid in for-
midabili illa tempestate ac procella ex Germania in Vero-
nensem agrum effusa primum cōmemores? Magnum fuit
in tanta copia uiroꝝ fortium atq; innocentium hunc po-
tissimum tanto Bello præfici, maius in homine tantam rei
militaris scientiam fuisse, ut ueterano illi Triuultio Galli-
coꝝ auxilioꝝ duci, multis ac magnis bellis exercitoꝝ parem
se ostenderit: maximum tantā uirtutem atq; auctoritatem
in eodem extitisse, ut Maximilianum illū tot bellicis rebus
clarum, tot domesticis uictoriis insignē in sui admirationē
traxerit. & primus omnium docuerit aliud esse in Germa-
nia, aliud in Italia bellum gerere, ubi dum aliena inuadit, ne
sua quidem potuit defendere, ita uiri uini ingenio fatiga-
tus, ita uirtute uictus, ut qui ultro prouocarat, inuitus cede-
re cogretur, & amēnus ille Athesis Veronensis agri genius,
atq; incola quem tanto armioꝝ strepitu uenientem hortue-
rat, eundem haud ita multo post recedentem non sine admi-
ratione spectaret. Nam dum audius atq; incautius eā Ve-
neti imperiū partem, quæ maxime defendebatur, occupare
contendit: bona magnaq; pars exercitus in hostilem agrū
alio itinere destinata ad ipsos usq; Timauī fontes, omnia
adeo longelateq; uastauit: ut qui bellum intulerat indutias
cuperet, easq; se honestis conditionibus impetrasse gaude-
ret. Age uero post horribilem illam totius prope Europæ,
in hanc Remp. conspirationem quibus ille pro patria tē

poribus non excubuit: quibus locis non preſto fuit: quibus
ſe periculis non obiecit: Quis poſt infelix illud ad Abdiam
prælium hoc uno uel prudentior, uel fortior uſq; apparuit:
an non ſi quis omnia diligenter conſyderet, hunc ideo geni-
tum uideat, ut omnibus Reipubli. calamitatibus medere-
tur, non ideo alieꝝ temeritate rem præcipitatam fateatur,
ut hic illam aliquando erigeret, uel certè diuino conſilio, il-
lud quicquid fuit, ideo eſſe permiſſum, ut huius uirtus ac
prudentia apud omnes admirabilior eſſet ac clarior. Hunc
enim unum adeo nec proſpera extulerunt, nec aduerſa fre-
gerunt, ut eius conſtantia etiam ab hoſte laudaretur. Nam
quis in tanta illa militum trepidatione, in tanto populoꝝ
metu, in tam repentina defectione ciuitatum, hinc Gallia,
& magna Italiæ parte, hinc Germania hoſtiliter imminente,
uel minus timuit, uel ad auertenda quæ impendebant mala
cautionem ſe exhibuit. Iamq; hoſtis quicquid hodie uel in
ciſalpina Gallia, uel in ipſa Venetia Reſp. poſſidet, occupa-
parat: & nix Taruiſium atq; ora maritima defendi poſſe ui-
debat: neq; ille tamen aut de Reip. bene ſperare, aut eos
quos paulo magis q̃ par eſſet terriſos uidebat erigere ac cō-
firmare unq; deſtitit, cum ſubinde prædicaret eos qui cauſa
uincerent, ſuperiores etiam bello futuros: eam porro eſſe
Reip. cauſam atq; fortunam, ut prælio quidem aliquo poſ-
ſet affligi, ſumma belli totius haud facile poſſet ſuperari.
Quod uerum eſſe ipſo rerū euentu cōprobatum eſt. Primū
enim deſenſum ab imminente periculo Taruiſium: neq;
ita multo poſt Patauium hoſti potentiffimo adēptum eſt:
ita cōmuni quidem cōſilio, præcipua autem huius ſolertia &
opera ac uirtute, urbes illæ longe pulcherrimæ quaſi firmiſſæ

suma duo Imperii propugnacula, & inexhausta Venetæ ple-
bis horrea ab hostili iniuria, uindicatæ. Ex illo tēpore quas
ille sollicitudines, quas uigilias, quos labores non pertulit:
dum Patavinam urbem non satis munitam aduersus eam
obsidionem quam uidebat imminere firmiori aggere: &
fossa latiore munit, & cōmeatus importare contendit. Quā
uero egregium dii boni, quam memorabile illud facinus:
quā dignum quod aut diuinis uatum carminibus, aut æter-
nis annalium monumentis consecratur, q̃ Senatus formi-
dabilem illam modo receptæ urbis obsidionem Andrea
magis & Nicolai Vrsini prudentia atq; consiliis, q̃ numero
aut robore militū fretus, sustinere nō dubitauit: cum nullo
firmior ac numerosior illam exercitus obsideret, q̃ olim de-
cantatum illud poetarum carminibus Ilion, nisi forte mi-
nus uirium nunc habent bellicosæ Galliæ, inuicta Germa-
nia: assueta malo Lyguria, & Roma tot uictoriis clara, quā
tunc Peloponnesus, & Attica, & insulæ quædam pauca, atq;
illæ prope desertæ, quas aduersus Troianos coniurasse fa-
bulantur. Sed non est dictu facile, quo hic ingenio, quibus
artibus, quanta celeritate, aut tironem erudierit, aut uete-
ranum ad disciplinam reuocarit, atq; optimis præceptis in-
stitutum uariis belli usibus accommodarit. Itaq; etsi ma-
gnus ille exercitus urbem ita cinxerat: tormentis ita quassa-
rat, ut magna murorum parte disiecta latissimus ingressui
aditus pateret, ac iam non pauci, spe defensionis abiecti, si-
bi priuatim consulturi uiderentur: ille tamen nulla magis
unq̃ de re, q̃ de urbe defendenda cogitauit: & propugnatis
munia ita obiit, ut fortissimum se militem, & prudentissi-
mum Imperatorem ubiq; exhiberet. Quibus enim locis
defuisse

defuisse illum putēs: qui stupante illa patritiæ nobilitatis ca-
terua, admirante uniuerso exercitu, inter horrenda illa tum-
suorum, tum hostilium tormentorum tonitrua, inter ingen-
tes ruinarū fragores, inter densissimas excitati fumi ac pul-
ueris nubes, semper quasi felix quoddam Sydus emicuerit,
atq; ita intrepidus affuerit, ut ubicūq; usus exigeret, fossas
interius duci, aggeres extrui, castella erigi imperaret, atq;
insana illa hostilium impendia machinarum subinde elude-
ret: cum interim nunc hinc, nunc illinc eruptione facta, par-
tem aliquam hostium uexaret, & exploratis illoꝝ aut itine-
ribus, aut stationibus alios (ut fors tulerat) repente oppri-
meret, alios ita captiuos duceret, ut ea res magno Reipub.
usui, magnæ omnibus admirationi, magno hostibus terro-
ri atq; incōmodo esset: quos tot tantisq; artibus fatigauit,
ut numerosus ille exercitus cuius uiribus cessura omnia pas-
sim omnes prædicant, obsidionem soluere, & re infecta
discedere cogeretur. Itaq; uix bene liberatus obsidione, &
Vicetiam statim recepit, & eos qui Veronam adhuc obti-
nebant, paucissimis diebus ita afflixit, ac fatigauit, ut iam
iam loco excessuri fuerint, nisi a tam honesto incepto uel
eorum infelicitas qui classem in Pado amiserant, uel fortu-
næ inuidia illum reuocasset. Quæ etsi magna sunt atq; ad-
miranda, illud tamen omnem admirationem excedere ne-
mo dubitarit, quod cum & Nicolaus Vrsinus Impe. longe
clarissimus, & trecenti illi ex omnibus prope patritiis gen-
tibus delecti uiri, egregiam fidem atq; operam in defenden-
da Patauio præstiterint: & ipse non Vrsinum tantum, sed
patricios omnes in partem tum aliarum, tum huius quoq;
rei libenter admittat: totiustamen Europæ constanti præ-

dicatione ea laus huic prope uni tribuatur. Quae ex re facile
licet intelligere, eius consilium atque operam in eo periculo
ita excelluisse, ut ne externas quidem gentes latere potuerit,
tantam rursus in illo esse animi altitudinem, tantam acqui-
ritatem, ut non modo quicquid ex aliena gloria sibi nolit adscri-
bi: sed contra multum de ea quam sibi iure suo possit vindic-
care, aliis liberalissime largiatur, verum nullum finem inue-
niet oratio, si uelim per singulas res gestas hominis uirtu-
tes perpendere. Quis enim facile diiudicabit: magisne mo-
destiam eius laudari oporteat, in ea uictoria quam sua uirtu-
te compararat, an constantiam ac patientiam in ea calami-
tate, quae aliis culpa secuta est. Quid enim fieri modestius
potuit: quam quod delatum sibi terrestris exercitus magistrum,
honorem nulli patrum ante concessum accipere non susti-
nuit, & cuius honoris nomen recusarat, eius munia ac labo-
res, quamdiu opus fuit, obire non desistit. Quis porro eius uirtu-
tem satis unquam uel laudabit, uel admirabitur: qui malis publi-
cis quaecumque uel hominum culpa, uel fortunae iniuria intus-
lit, ea remedia adhibere perseuerarit: ut Responsum non tam acce-
pta calamitate angeretur quam opportuna sibi ab illo subsidia
esse excogitata gauderet. Quam prudens enim, quam salu-
bre consilium: quod exercitum ne media quidem hyeme de-
sistere unquam passus est, sed crebris & longis excursionibus om-
nia hostibus adeo infesta reddidit, ut & eos qui Veronam
praesidiis suis occupant, eruptiones inhibuerit, & uicinas
urbes ad speciem fortunae melioris excitaret. Iam uero cui non
illa animi excelsi magnitudo semper erit admirabilis: quod
cum patres decreuissent, Brixiam dedere se cupientem, in fi-
dem esse recipiendam, atque eo cum paucis equitibus profici

sci Andream statim iuberent, ille etsi periculi magnitudinē
uidebat, quod & urbs ipsa ualido præsidio tenebatur, & fir-
missimus hostium exercitus in propinquo erat, ea tamen
quæ patribus honesta atq; utilia uisa sunt, non sine euiden-
ti suo periculo obeunda suscepit, & rem quidem adeo stre-
nue gessit, urbe mira uirtute, ingenio, ac celeritate, statim re-
cepta: ut hoc illius prudentiæ ac fortitudini adscribendum
dubitare nemo debeat. quæ uero mox secuta sunt diuino
potius consilio tribuenda uideantur: id, credo, agentibus
diis, ut amicissimæ ciuitatis fidem iam inde a proauorum
nostrorum temporibus cognitam, & tolerata pro Veneta
Repu. miserabili fame & longa obsidione testatam, nostra
quoq; ætate horribilis illa captiuitas, & effusus late sanguis
ita sanciret, ut omnis uentura posteritas intelligeret Bri-
xianos pro ueneto Imperio non solum famis atq; obsidio-
nis mala sustinere, uerum etiam ubi usus ueniat, fortiter mo-
ri posse. Ac ne illa quidem in te cœlestis providentia uel pa-
rum salubris fuit, uel occulta, quod ille in intimas Gallias
ad Ludouicum Regem ductus est, ut esset qui tam atrox,
tamq; formidolosum bellum aliquādo componeret, & irati
regis animos ad pacem flecteret. Tantū enim potuit apud
magnanimum illum & bellicosum uirum, ea opinio quam
ex rerum gestarum magnitudine de Andrea conceperat, ut
quā in hoste uirtutem timuerat, eam ne in captiuo quidem
mirari desisteret: ac propositis honoribus & præmiis in par-
tes suas trahere hominem laboraret, quod cum non impe-
trasset, ac iam perpetuæ seruitutis, & durissimi carceris ærū-
nas captiuo minaretur, ne sic quidem tantus ille Rex, & ui-
ctor, & dominus, quod uoluerat est consecutus, cum uir for-

tissimus subinde responderet, libertatem quidem atq; usum
lucis adimi sibi posse, Patrię caritatem extorqueri non pos-
se, ac contra ipsum Regem admoneret: ut hominem se esse
meminisset, neq; inter illos successus obliuisceretur, q̃ esset
anceps, euentus, & fortuna bellorum. Penetrauit animum
generosum ac plane regium, fortis & boni uiri tempestiua
oratio: atq; efficax illa eloquentia, & generosa fortitudo,
adeo & Regi grata, & Reip. opportuna contigit: ut is ubi
captiuitatis mala paulo ante pertulerat, ibi iam patrum de-
creto legati honore, nō sine magna Regis uoluptate funge-
retur: & honestissimę illius societatis in eundę interpret es-
set, quę una tandem hostiles iniurias repressit, & imminen-
tium malorū tempestates procul auertit. Hic ego promissi
mei non immemor multa prætereo, quę uel sola ad iustam
laudem satis esse nemo dubitarit. Quotus enim quisq; omi-
serit: quot quantaq; e Galliis reuertens pericula adierit, uel
ad Nouariam fuso ibi ac profligato sociorum, cum quibus
erat, exercitu: uel dum inde mouens inter hostilia arma, &
structas non uno loco infidias ad opem patrię afferendam
properat: uel dum uix bene ad suos reuersus Parauinū adhuc
defendendum suscipit. Ego uero ad ea quę longe maiora
sunt, tota intētionē festinans, & hæc omnia omittam, & ne
atingam quidem quantum laboris subierit, dum post acce-
ptam in agro Vicētino cladem, exercitus reliquias colligit:
& animos militum ac ciuitatum confirmare contendit. At
enim quę adhuc dicenda superesse omnes intelligunt, nec
taceri ullo pacto debuerunt, nec pro rei dignitate satis unq̃
laudari poterunt. Quam egregium enim illud facinus: quā
perpetua memoria dignum: cum non post multos menses

fociorum copias a fuga reuocauit, & earum duci salubrem
fiduciam iniecit: hostem uero magno illo & formidabili sti-
patum exercitu, a Mediolani obsidione ita auertit, ut im-
manes illos conatus quibus terræ urbes de facienda dedi-
tione iam cogitabant, non solum armorum obiectu retarda-
ret, sed prudenti etiam consilio ita eluderet, ut quem ex al-
pibus descendentem Italia timens atq; anxia exceperat, eū-
dem mox citato agmine recedentem, solitudines ipsæ & fa-
xa mirarentur: atq; interim longemeliior pars tanti illius
exercitus a duce suo destituta sine stipendio, sine commeatu,
palabunda atq; amens, his præda esset quos lacessitum ue-
nerat. Ita huius prudentia ac uirtute, & procella illa atrocis-
simi belli ab extremo aquilone effusa, a sociorum ceruici-
bus auersa est: & ad redintegrandum imperium aditus pa-
refactus. Sed quo tandem ego te ore iam his recepta Bri-
xia, quo te tam pertinaciter ab hoste possessa Verona cō-
memorem? aut quo saltem pacto satis admirer milita-
rē tanti uiri in re difficillima solertiam? qui ex his urbi-
bus ita hostem eiecit ut ciuib; nihil prorsus noceret. Quā-
quam enim illas ualidis prædiis occupatas expugnare dif-
ficillimum erat, longe tamen difficilius fuit, expugna-
tionem ita temperare: ut & hostes fortissime repugna-
tes uirtute superaret, & eos qui urbes incolebant ab exer-
citus sui iniuria defenderet. Sed uicit omnes difficultates
quæ non facile labitur æquitas, & beneuolentia, tantūq;
potuit apud optimum & fortissimum uirum sociarum ciui-
ratū caritas, ut & euidentis salutis periculum adire, & exerci-
tus seditionē sustinere nō dubitaret, dū quas Reip. reddere
urbes instituerat, eas a militari iniuria defenderet: proinde

ita rem gessit ut milites quiduis aliud q̄ direptionem ac præ-
dam sperare iusserit, & hostiles animos ita fatigauit, ac fre-
git, ut loco excedere cogèrentur. Illius deniq; militari indu-
stria duas illas præclaras urbes Resp. ira recepit, ut maxime
desiderauerat, nō direptas, non incensas, sed plane integras,
& nullā nisi ab hoste iniuriam passas; atq; una opera, (quod
longe honestissimum existimatur) consecuta est, ut simul &
uictis elementer parceret, & superbos fortissime debellaret.
O iucundum & memorabile spectaculum; cum ille uictor
redintegrato iam Reipu. imperio rediret; & quacunq; ince-
deret, festæ libertatis gaudia distribueret; cum amici passim
obuiam prodirent, ciuitatum principes illum; læti amplecte-
rentur, atq; una uoce omnes parentem patriæ, & Reip. ser-
uatore prædicarent, ille uero modesto rubore suffusus, læ-
tas illas acclamationes frustra inhibere tētarēt. Quis enim
tam iusti gaudiū affectus compescere? Quis nouas naturæ le-
ges posset imponere; cum ex inaccessis mōtibus, & abditis
conuallibus innumeri mortales bellicis tandem incōmodis
liberati ubicunq; ille uel paulum moraretur, quasi ad ludos
celeberrimos conuenirent, lætisq; acclamationibus omnia
complerent, atq; interim domus, fora, templa, nemora, soli-
tudinesq; ac saxa ipsa, nihil aliud q̄ Marci, & Griti nomina
resonarent, nec esset ullus gratulationibus modus, quia il-
lius quoq; beneficia modum exceßerant. Vnus enim nō so-
lum cunctando, sed etiā satagendo Remp. restituerat, unus
omnium miseras lenierat, unus tot populorū uotis satisfac-
cerat, unus tot nationum spes superauerat. Quid cū sua il-
lum patria iam tandem recepto imperio læta excepit; quæ
admiratio; quæ uoces omnium fuerit, & quibus ille adeo non

est elatus, ut ultro etiam offenderetur, ac laudem illam & gloriam totam ad Senatum redire desyderaret, & quasi bonus athleta peractis fortiter omnibus certaminibus, non tam se quam patriam, corona & palma insignem esse uellet. Quāobrem laudet iam ut libet ciues suos facunda Attica, haec et Sparte bellicosa, tollat in coelum Roma martia, dum hic unus opitino cuique eorum conferri mereatur. Quāuis enim illis imperii magnitudo, tum plurium, tum maiorum rerum gerendarum occasionem praestiterit: ubi tamen omnia diligenter excuseris, facile uideas alios dum incautius pugnant: uel sese non tam fortes, quam audaces in dicasse, uel in ipso ætatis flore sublatos nihil praeter luctum ac lachrymas suis reliquisse. Alios rebus praeclare gestis tantum sibi apud suos inuidiae atque odii peperisse, ut quarum ciuitatum aut fundamenta iecerant, aut mores composuerant, aut felicitatem auxerant, in his incolumes esse non possent. Testis Scyros exule Theseo minor insula, Testis caprae palus Romuli sanguine infecta, Testis Atticus atque Argiuus carcer, hic Philopoemenis, ille Miltiadis morte infamis, Testis denique linternum, & Ardea, haec Camilli exilio, illud Aphricani sepulchro notabile. Multi porro armis clari, in Toga uilueſe: multi rursus domesticis laudibus insignes, bello inutiles se praestitere. Huius autem uirtus in tanta magnitudine & diuersitate bellogum ita semper effulsit, ut non minorem ex aduersis quam ex secundis rebus gloriam retulerit: tanta semper foris, tanta domi autoritas, ut omnes & praesentem colerent, & absentem desyderarent. Proinde si cui forte libeat hunc Fabio illi Maximo conferre, multis rebus parem, multis superiorem facile intelliget. Ille Hannibalem mora fregit: hic Maximilianum

Ille temerarios Minutii ausus, quoad licuit, repressit. hic si-
dos quidem sed Reip. noxios Liuiani impetus retardauit.
Ille periclitanti equitum Magistro opem tulit. Hic clades
aliena temeritate acceptas sua prudentia & uirtute leniuit.
Ille Stratilium ad hostes transfugere tentatem retinuit: hic
Gallos duces a fuga retraxit, hic Ludeuicum eorumdem
Regem, ad Reip. societatem reuocauit. Gloriosum sibi Fa-
bius existimauit, quod Tarentum salinatoris culpa amissum
recepisset: ratum quato maior huius gloria: qui Veronam, qui
Brixiam tum maiores Tarento, tum munitiores recipien-
do seruauit: qui Patauium non modo recepit, sed receptum
toties ab hostili impetu insidiisque defendit. Proinde quis iam
tot tantisque illius in Rempub. meritis factum esse non intelli-
gat: ut e bellis uictor, reuersus honestissimum in Rep. locum
obteneret, & cum non ita multo post, Antonius Grimanus,
uir longa rerum experientia, prudentissimus principatu &
uita excederet, eum honorem huius meritis deberi tanta om-
nes constantia predicarent, ut tam honestis uotis etiam Deus
aspirauerit, & hic ad principatum ita sit euectus, ut electio
illa atque sortitio, diuino potius quam humano nixa consilio ui-
deretur. Quid quod ille quoque etsi antea principatu se di-
gnum ostenderat, nunquam tamen uisus est dignior, quam eo quo
electus est die. Siquidem & heroica illa corporis maiestas re-
pente augustior apparuit: & diuina illa mens ut aduersis re-
bus semper infracta, ita secundis nunquam elata praestitit, ut
omnes intelligerent, quanto esset utraque fortuna superior.
uix enim unquam plura mansueti ac ciuili animi documenta
exhibuit, quam cum his qui gratulabantur dexteram illam cer-
uissimum fidei pignus omnibus ultro porrigeret, atque eos
arctius

arctius amplectefetur, qui poterant illius animum a se iure alienatum suspicari. Postq̄ uero augustam illā sedem adiit, ac sacrum illud tribunal ascendit uir nullis unquam laboribus fractus, omnes statim ingenii uires excitauit: ut quē admodum ante eam diem, Rempubli. magis semper quam suam curauerat: ita in hac quoq; dignitate, quæ Reip. utilia atq; honesta censeret, summa cura & labore præstaret: neq; minora, consilio, authoritate, ac sententia, domi gereset, q̄ foris ante gessisset. Itaq; inuocato in auxilium deo, qui illius consilia semper ante formarat, ita Remp. administrare cœpit: ut non minore cura magistratus omnes, ac subiectas Reip. nationes togatus in officio contineret, q̄ ex uariis gentibus, ac linguis coactos exercitus, coercere solebat armatus: & qui in tam longa rerum bellicarum administratione ita uersatus erat: ut nihil in domū suam præter gloriam, ac memoriā abstinentiæ sempiternam intulisset: in hac quoq; re non alios modo, sed seipsum quoq; superaret. Proinde integritatem atq; abstinentiam suam omnibus ita comprobauit: ut nemo nō intelligat laudem hanc, hominis esse, non temporū. Nam quod multi olim in Romana, multi in Veneta quoq; Rep. ex ea uirtute, laudem si bi prope immortalem pepererunt, id temporum illoꝝ moribus, uerius fortasse, q̄ hominibus, adscribas. Hæc autē uera laus, hæc hominis, non seculi gloria, hæc eius principis uirtus, qui nihil magis desyderet: q̄ ut ad priscam illam sanctitatem reuocata Respubli. ciuium suorum frugalitatem & abstinentiam, cum tota antiquitate certare lætetur. Atq; hæc quidem uirtus, ubi unam illam inspicias, magna atq;

admirabilis uideri solet. Vbi uero alios tam bene consti-
tuti animi habitus illi contuleris, eadem quasi modica lux,
multis magnisq; splendoribus circumsepta superatur. Quā
splendida enim, quā amabilia in optimo principe illa sunt:
quod his opibus quas a maioribus honestas accepit, ita sem-
per usus est, ut non insolentia sed benignitatis materiam
nactum se omnibus comprobaret: ita plane ostenderit me-
liorem ab optimis illis uiris heredem, nec gigni potuisse, nec
eligi: & nunc quoq; inter tanta ista uirtutum suarum prae-
mia, ac deoq; immortalium munera, ita uiuit: ut cum nō ma-
gis sibi, quā amicis natum esse omnes intelligāt, nec quisq;
satis laudare se posse confidat, quod ille ut quemq; suo auxi-
lio maxime indigere arbitrat, ita ei potissimum opem fer-
re festinat: quod optimum quemq; ubi semel agnouit, alio
quo merito sibi deuincire laetatur: quod deniq; adeo insi-
gnis est illius liberalitas, ut non tam eos qui aliquam gra-
tiam referte possunt, quā eos qui digni sunt, ut accipiant no-
uis subinde beneficiis prosequatur. Quid quod nullius ante
hac principis maiestas augustior: nullius comitatus orna-
tior: nullius in publicum egressus acceptior. Itaq; ut pru-
dentes uiros ad uenerationem, tantarum uirtutum admi-
ratio excitat: ita promiscuum uulgus ad Reuerentiam, uel
solus inuitat aspectus. Neq; uero ex his tantum, sed ex aliis
quoq; plurimis, facile intelligas illū semper existimasse, nū-
lum iucundiorē pecuniae fructum esse, quā magnificentia
tum priuatam tum publicam. Quam memorabile enim il-
lud: quā magnificum: quod cum urbes fere omnes quae Ve-
netae Reipubli. parent, firmissimis manibus ac latissimis

fossis, ita ambiantur : ut nulla tanta vis hostium imminere possit, quæ sustineri atq; arceri nequeat: ille tamen his non contentus, suasor atq; author fuit, ut alibi Plateæ omnes ac fora, aut lapide, aut coctili latere, sternerentur : alibi pontes ac portæ ita extruerentur, ut excusso senio, ipsæ sibi urbes rursus conditæ, ac iam felicius renatæ uideantur : nec iam munitæ modo, sed etiam ornatae, perpetua Venetæ magnificentiae monimenta uenturis seculis ostentare possint. Quid non illud ut longe prospicientis, ita largi animi certissimum argumentum iudicari oportet? quod summa ope adnixus est, ac plane iam perfecit, ut uetus illud atq; illustre collegium olim quidem aquis præfectum, sed incuria quadam prope intermissum, multo iam maiore frequentia quàm unquàm antea conuenire cœperit: cui ipse quoq; interesse liber ter solet, quo diligentius uideatur uti ne, quæ urbem ambiunt, atq; interluunt aquæ, ne uel flumina quæ in eas deferruntur aut noceant, aut prodesse desinant. Quid enim uel ad tutelam tantæ urbis utilius, uel ad splendorem magnificentiùs excogitari potuit? quàm ut adhibita tot ac tantarum uirorum cura & diligentia, quantiscunq; res ipsa postulat impendiis, naturam ars adiuuere & longe firmissima ista munimenta defendat, ac seruet : quibus locum prouida illa ac benigna patens ita sepsit, ut hinc palustri solo, atq; aquis late stagnantibus, illinc alto mari, uadisq; in eo latentibus & incertis, quasi fossa & manibus, omnes hosti aditus terra mariq; præcludat : quæ tam rara atq; inaudita loci facies, hoc consilio non modo defenditur, sed in dies etiam, quantum licet, ornatur: manetq; ac diutissime manebit admira-

bilis iste pulcherrimæ urbis situs : & cum illo blandientis
cœli saluberrima temperies : neq; unquam ædificiorum ma-
gnificentia augeri desinet . In quo, ut multum naturæ de-
beatur, quæ sedem prima monstrauit : multum etiam ma-
iorum prudentiæ, qui eam sibi delegere, ac posteris, mul-
tum deniq; his qui paulatim postea urbem in hanc am-
plitudinem extulere : non minus tamen optimi principis
Consilio acceptum ferri oportet : qui magno & excelsio
animo cum natura ipsa & tota antiquitate honestissi-
mum certamen instituit : & quod illa olim dedit, quod ma-
iorum cura adiecit, tueri atq; augere contendit : neq; id suo
tantum seculo præstitisse contentus, ut in posterum quoq;
par diligentia perseveret ; summa cura atq; arte prouidit .
Illo enim crebro atq; amanter admonente factum est, ut
iam omnes intelligant, id non modo utile atq; hone-
stum, sed prope necessarium esse. Quid enim profit quæ-
siisse : nisi quod iam partum est diligenter tueare : cum por-
ro in acquirendo casus aliquis plerumq; adiunget, in tuen-
do ars & uirtus semper eluceat ; quis non uideret tanto
hinc certiores esse, quam inde laudem, quanto uirtus est
omni casu præstantior. Quis porro cum uideat tanti colle-
gii prudentiam ac curam Reipublicæ usui & ornamento sem-
per futuram, eum non summis laudibus efferat : cuius con-
silio & suasu factum est, ne tam laudabile institutum fa-
cile posset exolescere. Sunt hæc magna omnia ; quæ si in
alio quouis, uel singula spectentur summam admiratio-
nem, summos clamores excitent . Verum huius homi-
nis splendida atq; amplissima cogitationes ; nullis si-

nibus preminuntur, nullis claustris coercentur: sed eo quoque se porrigunt, quo perueniri posse nemo putauerat. Quis enim Venetæ classi quicquam præter numerum maiorem, adici posse credidisset? Cum iam tot seculis, in ea paranda, augenda, ac subinde exornanda, ciuitas ita excelluerit: ut nulla hodie Respublica, uel numero, uel firmitate, uel pulchritudine nauigiorum cum ea queat contendere. At hic in ea quoque re, inuenit quomodo & ad firmitatem, & ad speciem, non parum adderet. Cum enim ad hanc usque ætatem naualis omnis apparatus, intra triremes constitisset, illo auctore quadriremes iam, & quinqueremes fieri cæptæ; quas ubi uideas, non naves uidere te, sed insulas, & inexpugnabilia in his oppida existimes: ac nihil prorsus dubites, præcipuam ac peculiarem tanti uiri laudem esse, quod ut aliis multis ac magnis rebus, ita etiam decoris ac magnificis sumptibus, reipublicæ maiestatem augere constantissime perseverat. Quamuis autem in hoc genere prope infinita sint, quæ consulto præterimus: ut modum tandem aliquem & finem orationi nostræ faciamus: illud tamen omittere nullo pacto possumus: quod ad ornamentum tantæ Reipublicæ, uel in primis pertinet. Agebatur ab urbe condita annus millesimus ac centesimus, creuerat in hanc, quæ spectatur, magnitudinem, ciuitas. Iamque ab Abdua in Pamphiliacum mare Imperii fines protati erant, cum tamen adhuc leges proximis aliquot latis seculis, & ius ciuile tantæ urbis, adeo dispersum atque inconditum

iacebat: ut nemo nisi summo labore, aut casu aliquo, posset
inuenire, si quid tale ulus postulare. Non putauit ille tan-
tam rei indignitatem diutius ferendam: ac leges omnes quę
nondum erant abolitę aut abrogatę; totumq; ius ciuile
Venetorum in genera sua, & generum formas ita distribuē-
dum curauit, ut quantum ea res difficultatis pridem habue-
rat, tantum nunc uoluptatis afferre possit: cum non inuen-
tu modo, sed cognitu etiam facillima sint omnia. Proinde
ex his quasi nouis quibusdam pandectis, quicunq; hæc olim
frustra desiderauerant, exiguo iam & iucundo labore di-
scant, quę remedia auocandis a turpis uitę contagio mor-
talibus; quę rursus inuitamenta eisdem ad uirtutem exci-
tandis, uiri prudentissimi excogitarint. Hinc enim uideas
non solum, quod de Romanorum legibus scriptum est, ho-
nestos pro Republi. labores atq; apus, præmiis decorari,
uitiaq; ac fraudes hominum, ignominii, uerberibus, exiliis,
& morte mulctari: sed litium quoq; omnium dissidia tan-
ta æquitate tolli, ut Venetarum legum conditores, nihil ma-
gis desiderasse uideantur, quā ut in sua ciuitate & pietas ue-
ra, & caritas fraterna, non sine omnium quiete, & utilitate
spectaretur: ac iam, non socię modo, ac subditę ciuitates,
sed externę quoq; nationes, possint intelligere Veneti ius-
ris scientiam, non ex Lycurgi, aut Draconis haustam fonti-
bus, non ex ligneis Atticorum axibus, non ex æneis Ro-
manorum tabulis, sed ex christiana Philosophia, atq; ex his
legibus esse deductam: quas Deus & Natura conscripsit;
quę multis seculis ante natę sunt, quam ab hominibus aut
esset ulla urbs cōdita, aut omnino scripta lex, ut nemo iam

Venetis legibus non parere ultro debeat : quas & bono-
rum ac plane sapientum uirorum esse decreta, & Dei inuen-
tionem, ac donum, uel ex eo agnoscat: quod in his non litiū,
sed, christianæ concordiae disciplina traditur : quodq; his
tam recte administrata Respub. est, ut annos amplius mil-
le sine ulla domestica seditione ciuitas imperarit. Proinde
quisquis genus hoc beneficii recte considerarit, id omni-
bus fere bellicis rebus merito anteponet. Nam quæ in bel-
lo fortiter ac prudenter geruntur, ea fere semel tantum pro-
desse solent: hoc non uni alteriue seculo, sed perpetuo, non
huic tantum ciuitati, sed omnibus Veneto Imperio subie-
ctis gentibus, ac nationibus, proderit. Hæc boni principis
uera laus, hæc tanto illo magistratu digna gloria: amare uin-
culum humanæ societatis, amare dei dona, instaurare maio-
rum instituta, uelle non tam se, quā legem in sua Republi-
esse principem, nouas bene de hominibus merendi ratio-
nes excogitare, & collatis in posteros etiam beneficiis sui
memoriam, quā longissime fieri potest extendere. Sed quid
ego aut his diutius immorer? aut alia tam honestæ actæ ui-
tæ argumenta confectere? quum eum qui nec falli, nec false
lere quemquā potest, Deum optimum maximum, eius rei te-
stem proferre possim. Quid enim aliud quā diuinum tan-
tarum uirtutum testimonium esse credamus raram istam
felicitatem? quod tot ac tanta longæ peregrinationis, ac
belli discrimina euasit: quod non modo ut Homericus ille
Nestor incolumis, sed Repub. optime administrata uictor,
ac lætus, in patriam rediit: quod ad supremam in eadem pa-
tria dignitatem uocatus est: quod annum ætatis octuagesis

mum agens, animum tanquam Arcum intentum adhuc ha-
bet, tantâs clientelas regit: tot priuatorum hominum, tot
principum, tot ciuitatum, tot gentium, uota audit. Reipor-
ro publica ita præest, ut metuant illum mali, ament boni,
uenerentur omnes. Quid priuata illa quanta sunt? quod co-
genere, ea familia ortus, in qua nihil, nisi ex optimis institu-
tis, nisi ex probatissima disciplina fieri unquam uidit, noua
tamen domesticæ probitatis exempla subinde exhibet:
atq; in eo iam pridem, ita foris auita Traiadani uirtus eni-
tuit, ac superata est: ita nunc domi paterna francisci probi-
tas celebratur, ac uincitur: ut uniuersa ciuitas duos illos me-
morabiles uiros forma quadam multo augustiore, in hoc
uno se adhuc spectare lætetur. Ac mehercules, si qua fato
functis harum rerum cura est, nihil dubitarim quin ipsi
quoq; gaudeant, se iam apud mortales multo magis huius
splendore, quam luce sua nitescere. Quid? quod neptes ex eo
filio, quem illi olim fata ademere, iam pridem optime educa-
tas, iam adultas, iam illustribus uiris nuptas, iam matres ui-
det: & nunc ex eisdem egregiæ indolis & optimæ spei, pro-
nepotes lætus exosculatur. Tum uero ex his filiis, quos dii
immortales duos uni esse superstites uoluerunt, alterum fo-
ris magnis rebus gestis insignem, alterum domi spectata
modestia omnibus charum, intuetur: & quod omnium lon-
ge maximum est, dei beneficium ita agnoscit: ita magis ma-
gisq; in dies ad cœlum oculos mentis intendit: ut & supre-
mam atq; æternam illam naturam, unde bona omnia ad ho-
mines de fluere, pie semper credidit: quam maxime puro, ac
pio cultu ueneretur: & homines ita diligat, ut nihil magis
unquâ

unquam desiderasse uideatur, quam omnes, rebus omni-
bus bene constitutis, felices aliquando uidere. Quid enim
aliud, quam patriæ caritas, & christianæ Reip. obseruan-
tia, illum ita affecit: ut & ante principatum, & mox in ipso
principatu, de nulla re sæpius aut cogitarit, aut sit locutus,
quam de christianorum concordia, & cum animo semper
inuito bella tractarit: nihil tamen sibi querendum cura
maiore, quam pacem, unquam putauerit. Cōtra, cum boni
& æqui appetens semper fuerit: nunquam tamen non for-
tissime gerenda bella existimarit, quibus propulsari non in-
ferri uidebat iniurias, neq; aliter ad pacem honestis condi-
tionibus perueniri posse intelligebat. Quippe res erat lon-
ge difficillima, cum nemo fere ex christianis principibus,
non ab alio aliquid repeteret, nemo non aliquid uel anti-
qui uel noui iuris, excusanda, quam inferebat iniuria, præ-
tenderet, Venetam Remp. multi lacerarent, ab eadem rursus
qui inter se dissidebant opem certatim peterent, bello
arderent omnia, ne finis ullus futurus uideretur: ille tamen
neq; amicos, ac socios ad quietem hortari, neq; hostes ab
inferenda iniuria detertere, unquam destitit, utrisq; osten-
dens quantis se periculis obicerent: adhibuit preces, adiecit
minas, nihil deniq; non fecit: ut christiana Resp. subla-
tis dissidiis aliquando quiesceret. Quoniam uero nō igno-
rabat, ut in litibus, ita in bellis, causam plurimum ualeres
quæ si bona sit, animos erigat: si mala, infringere consueue-
rit: author patribus semper fuit, ut ex maiorum instituto
alienis abstinerent: sua tum disceptando, tum pugnando,
fortiter defenderent: neq; a se modo, sed ab omnibus,

quos iniusto bello pressos uiderent, iniuriam propulsarent:
non sumptus, non laborem, non inimicitias, pro aequita-
te suscipere uerèrentur: omnibus deniq; commodis suis,
æqui boniq; defensionem anteferrent. Factum est id, quam
fieri potuit constantissime, susceptæ ad tempus graues ini-
micitia, suscepti labores prope incredibiles, aditæ formi-
dolosæ pericula, obduratum deniq; quoad tandem non so-
lum Europa uniuersa, sed Aþtica quoq; & Asia, plane iam
intelligeret eos esse Venetos, qui Italiae iura & prudenter
noscerent, & fortiter defenderent: qui pro sociis atq; ami-
cis ab iniuria uindicandis magno atq; elato animo, & The-
sauros absumere, & bella suscipere, non dubitarent: qui de-
niq; hostiles omnes furores possent non solum togæ arti-
bus temperare, sed armorum etiam fulgore compescere.
Itaq; discussa tandem fallentium opinionum nebula, agno-
uerunt generosæ & christianæ mentes errorem suum. per-
culit animos captiuitas principum, dirèptio ciuitatum, ua-
statio Italia: piguit irarum, piguit sumptuum, piguit effusi
sanguinis: excussit e manibus arma christianus pudor, &
honestis tandem conditionibus pax optanti Italiae resti-
tuta est. Idq; optimo principi acceptum ferri æquilissimum
est, qui & bellum adeo constanter gerendum semper censue-
rit, ut ex eo pacem sequi prope necesse esset: & pacis condi-
tiones, ubi primum honestæ, & sine ulla infidiarum suspi-
tione oblatae sunt, statim accipiendas summo studio cura-
rit. Proinde iam omnes adita illa pericula, ac suscepta im-
pendia, quæ pridem grauiæ ac molesta uidebantur, una uoce
laudant. Quod enim argentum? quod aurum? quæ opes tã-

re esse potuerunt : ut non utilius censei oporteat , pacem
Italiæ , & concordiam christianæ Reipublicæ attulisse , quā
summas illas quantæcūq; fuerunt , uel decies arario intulisse.
Quando hoc propulsandarum iniuriarum studio , hac
tanta æquitate , hac fortitudine , hac constantia , adeo est
Reipublicæ aucta maiestas : ut qui illam ante hæc tempo-
ra , uel parum agnouerant , uel forte contempserant , iam uel
solum illius nomen uereantur : qui inuiderant , posito liuo-
re diligant : ac nemo unquam tam infestus Veneto nomi-
ni hostis fuerit : qui non aliquo affectus beneficio amicus
esse lætetur . Cuius rei quanquam non obscura probatio
est : quod non solum summi Pontificis legatus , sed christia-
norum fere omnium Regum ac principum oratores , uiri
summa dignitate , summa uirtute præditi , ac iam concilia-
ræ , & mansuræ pacis certissimi obsides , nihil non huius
Reipublicæ causa suos uelle , constantius in dies asseuerant :
illud tamen longe certius auctæ ac iam optimæ constitu-
tæ maiestatis argumentum nemo dubitauit , quod hoc prin-
cipe , Carolus Romanorum imperator , post hominum me-
moriā longe maximus , ab ea expeditione quam aduer-
sus Turcas susceperat , defensa iam Germania , & feliciter
repulso hoste , uictor reuertens , numerofo ac plane formi-
dabili stipatus exercitu , totam eam Italiæ partem quæ Ve-
netis paret , adeo quietus ac placidus peragrauit : ut Sena-
tus iam satis sua maiestate securus , ne peditem quidem ul-
lum ad urbium suarum tutelam armandum censuerit : nec
ullas saltem post tot bella insidias , aut simultates , pertinue-
rit . Tantum fides , tantum recte factorum conscientia , tan-

tum deniq; potuit honestissimum illud consilium, quo non referendis iniuriis, sed conferendis beneficiis, imperii sui dignitatem auxit princeps sapientissimus: & qui bellando quondam uicerat: qua uia etiam sedendo uinceret, inuenit: tantoq; fuit clarior togati uictoria, quam unquā fuisset armati: ut nemo non arma togæ cefisse merito fateatur, non paucorum ciuium conspiratione disiecta, sed sublatiis penitus e Republica christiana armis ciuilibus, directis omnibus bellicis machinis, ad defendendos christiani Imperii limites, collatisq; in patriam beneficiis multo pluribus, ac maioribus, quam principatum iniens, uel polliceri, uel sperare ausus esset. Itaq; iam nemo facile queat inuenire, quo se uotorum nostrorum improbitas ultra porrigat. Quid enim tot tantisq; aucti successibus petere iam aliud audeamus: quam ut qui Rempublicam prope depositam ac deploratam armatus restituit, qui iam desperatam uniuersæ Italiæ pacem togatus attulit, eum & æternus ille author ac causa mundi huius, & præclara illa Sydera, quæ nascentem ad opem patriæ, dextra & amica uiderunt, incolumen ac recte ualentem ita superesse patiantur: ut Resp. maximis tandem defuncta periculis, salubribus tanti uiri consiliis, & amabili hac quiete, quam diutissime perfruatur: ille autem assignatum sibi a Deo munus adhuc libenter obeat, his honoribus quos summos patria potuit deferre contentus: donec ad ea præmia, quæ tantis uirtutibus paria esse sola possunt, iam uocatus, in certum illum ac diffinitum in cælo sibi locum, iamq; æui plenus, & benefactorum conscientia lætus, ascendat.